



Inatsisartunut ilaasortamut
Marita Jessen
Inuit Ataqtigiit

01-07-2024
Suliap normua 2024 - 11171
All. il. 24221518

Postboks 260
3900 Nuuk
Oqa. (+299) 34 50 00
Nass. (+299) 34 66 66
Email: iian@nanoq.gl
www.naalakkersuisut.gl

Tusilartunut tutsarluttunullu periarfissat pillugit § 37 naapertorlugu apeqqummut nr. 111-mut akissut

Asasara Marita Jessen.

Apeqqutinut qujanaq. Apeqqutigineqartut tullinnguuttuni ataasiakkaarlugit uteqqinneqarput akineqarlutillu.

Akissuteqarnissamut Ilinniartitaanermut, Kultureqarnermut, Timersornermut Ilageeqarnermullu Naalakkersuisoqarfimmut paasissutissanik piniartoqarsimavoq.

1. Inuit tusilartut siussarluttullu oqalutseqarnermikkut qanoq nunatsinni periarfissaqarpat?

Akissut:

Isigiarsunnermut atatillugu oqalutseqartarnejq nalinginnaasumik tappiitsut isigiarsuttullu tv-mik filminillu isiginnaarsinnaanerannut tunngassuteqarpoq. Akissummi matumani ussersorluni nutserisoqarnejq pineqarpoq.

Ussersorluni najuunnani nutserisoqarnejq pillugu 2020-mi novemberimi Småtegn ApS-mik suleqateqarnissamik Pissassarfik isumaqatigiissuteqarpoq. Ussersorluni nalunaaruteqarnermik atuisut ataasiakkaat nammineernissaannut ikiuutaasumik attaveqatigiinnermut ikiorsiissummik pilersitsinissaq suleqatigiinnissamik isumaqatigiissuteqarnermi siunertaavoq. Pisortaqarfimmit oqartussaasumit imaluunniit ussersorluni nalunaaruteqarnermik atuisumit sullissinermik atuinissamik kissaateqartumit suleqatigiinnissamik isumaqatigiissut naapertorlugu ussersorluni nutserisoq Småtegn ApS-imut toqqaannartumik piniarneqassaaq.

A) Kikkut periarfissaappat oqaluttaanissaminnut?

Akissut:

Ussersorluni najuunnani nutserisoqarnejq pillugu suleqatigiinnissamik isumaqatigiissut qulaani oqaatigineqartoq naapertorlugu tusilartut ussersuutai atorlugit nutserisut Småtegn ApS-mut attuumassuteqartut nutserisuusinnaapput.



Kalaallit Nunaanni tusilartut ussersutai atorlugit nutserisut sukumiisumik allattorsimaffiannik Naalakkersuisut pigisaqanngillat.

2. Inuit tusilartut siussarluttullu ilinniarnissaminnut qanoq periarfissaqartigippat?

Akissut:

Inuit tusilartut tutsarluttullu eqqarsaatigigaanni Kalaallit Nunaanni kinaluunniit ilinniarluni isernissamut piumasaqaataasut naleqquttut naammassisimagaanni aallartissinnaavoq. Kisianni suleriaatsimi annertuumik killeqarpoq, ilinniagaqartut taakkua pisariaqatitaannut ilinniarfeqarfiit killilimmik naleqqussarnernik akuttunngitsumik neqeroorsinnaasarmata. Taakkua teknikkkut ikiuutitut tapersiissutinullu inuit sakkukinnerusumik tutsarluttut pingaarnertut isumagineqarsinnaanerinut killeqarajuttarput.

Ilinniartut tusilartut sakkortuumillu tutsarluttut atorfissaqartitaannik, matumani ilanngullugit nutserineq imaluunniit allakkianik allannermut allatsinik ikiortinik, ilinniarfeqarfiutivut maannakkut sinaakkusiussat iluanni naleqqussaanernik pisariaqartunik neqerooruteqarsinnaanngillat. Danmarkimi, ilinniartitaanermut ataqatigiissumik aaqqissuussami naalagaaffiup inunnik isumaginninnikkut tapersersuinermi aaqqissuussani ilanngunneqartukkut, allanut atugassarititaasut assigalugit Ilinniartut ilinniarnissamut tusilartut sakkortuumillu tutsarluttut pisariaqartumik tapersersorneqarnissaat qulakkeerneqartarpoq.

A) Qanoq ilinniarnissaminnut sullinneqartarpat?

Akissut:

Immikkut atuartitsinissamut atortussanut imaluunniit klassip initaani ikiuutaasinnaasunik pisariaqartitsisoqarpat (soorlu imatut inimi nipimut tutsarinnassuseqarnermut pitsaanerulersitsinissamut tunngatillugu) tassunga aningaasartuutit ilinniarsiup/atuarsiup akilertarpai.

Taassuma saniatigut meeqqat atuarianni inuusuttullu ilinniarsiini atuartut pisinnaasakinnerulersimasut, MISI-p piginnaaneqarfiata iluani annertussusilimmik atuartut ataasiakkaat pisariaqartitsisut MISI¹-mit siunnersorneqarsinnaapput ilitersuunneqarlutillu.

B) Kikkut inuit tusilartut siussarluttullu ilinniarnissaannut atortusnaanut periusissaanullu ikiuisarpat?

Akissut:

Tutsarluttunut ikiuutissanut peqqinnissaqarfiup pisussaaffia Peqqinnissaqarfimmi sullissinerit atuisullu akiliuteqartarnerat pillugit Namminersornerullutik Oqartussat nalunaarutaani, § 13, imm. 1-4 malillugu.

Tassani makkua atuupput:

§ 13. Nakorsamit innersuussutigineqartumik tusartaammik nalinginnaasumik siullermeertumik pissarsineq akeqanngilaq.

Imm. 2. Nakorsamit innersuussutigineqartut tusartaatit nalinginnaanngitsut akeqanngillat, tusartaat nalinginnaasoq tusartaatitaartussap tusaaniarneranut naammaginarumik iluaqutaasinnaanngippat.

Imm. 3. Tusartaatinik imm. 1-imi aamma 2-mi pineqartunik iluarsaassineq taarsiinerluunniit akeqanngillat, atornissaannut ajoqutaasoq nalinginnaasumik atuinerup kingunerisimappagu.

Imm. 4. Tusartaatit imm. 2-mi oqaaseqatigiinni siullerni allassimasunit allaanerusut tunniukkumallugit peqqinnissaqarfiup neqeroorutigisinnaavaa, akit nikingassutaat akilersillugu.

¹ MISI: Perorsaanikkut tarnip pissusaatigut siunnersuineq



Tamatuma saniatigut tak. Inuit innarluutillit tapersorsorneqarnissaannut Inatsisartut inatsisaat, inuit innarluutillit pisariaqartitaminnut tapersorsorneqarnermik pisarnissaat, aamma inunnut innarluutilinnut tapersiinissamut periarfissanik pisariaqartunik peqarnissaa isumagissallugu kommunalbestyrelse pisussaavoq.

3. Inuit innarluutillik, ilaatigut tusilartut siussarluttullu, interneti atorlugu imminut isigaluni oqaluuttarnernik pisariaqartitsisut, internetimut akiliutiminnik tapiiffigitissinnaappat?

Akissut:

Inuit innarluutillit tapersorsorneqarnissaannut Namminersorlutik Oqartussat nalunaarutaanni § 23 tak. aningaasartuutaanerusunut pingaaruteqartunut kommunalbestyrelse inummut innarluutilimmut aningaasatigut ikiorsiissuteqassaaq. Tak. § 24 inuup pineqartup innarluuteqarnerata malitsigisaanik aningaasartuutaanerusut pingaaruteqartut matussusernerannut taamaallaat tapiissuteqartoqarsinnaavoq, tak. § 23, taakku aalajangersakkat allat imaluunniit inuit innarluutillit tapersorsorneqarnissaannut Inatsisartut inatsisaanni aalajangersakkat allat malillugit matussuserneqarsinnaanngippata.

Internetimut aningaasartuutit innuttaasunut nalinginnaasumik aningaasartuutaammata inuup innarluuteqarnerata malitsigisaanik internetimut aningaasartuutit pingaarnertut aningaasartuutaanerusutut isigineqarsinnaanngillat.

Taamaattorli inuup innarluutillip internetimut aningaasartuutaanut kommunalbestyrelsip tapiissuteqarsinnaaneranut tamanna akornutaanngilaq.

4. Arlaannik apequtigineqartunut tunngasunik Naalakkersuisut ilassutissaqarpat?

Akissut:

Inuit tusilartut tutsarluttunullu immikkut unammilligassaat pisariaqartitaallu Naalakkersuisut arajutsisimangilaat. Inunnut innarluutilinnut matumani ilanngullugit tusilartut tutsarluttullu uagutsinni inuiaqatigiinni piumasaqaataasut sapinngisamik pitsaanerpaamik tunniunneqarnissaat Naalakkersuisut sulissutiguarpaat.

Inussiarnersumik inuulluaqqusillunga

Aqqaluq B. Egede